

2020-mut Nunatta Karsiata naatsorsuutaasa akuersissutigineqarnissaannik siunnersuut
(Aningaasaqarnermut Nunamullu Namminermt Tunngassutilinnut Naalakkersuisoq)**Akissuteqaat**

(Aningaasaqarnermut Nunamullu Namminermt Tunngassutilinnut Naalakkersuisoq)

Aappassaaneerinnineq

Naalakkersuisut sinnerlugit Kukkuersiuinermt Ataatsimiititaliap 2020-mut Nunatta Karsiata Naatsorsuutai pillugit isumaliutissiissusiorneranut qutsavigaara. Ataatsimiititaliap akuersilluni 2020-mut Nunatta Karsiata Naatsorsuutai pillugit aalajangiiffigisassatut siunnersuutip akuersissutigineqarnissaannik inassuteqarnera, Naalakkersuisut iluarisimaarlugu maluginiarpaat.

Kukkuersiuinermt Ataatsimiititaliap avataanit kukkuersiuuisunit – ukiut kingullit assigalugit – Namminersorlutik Oqartussat naatsorsuutitnik ingerlatsivianni suli pitsanngoriartoqarneranik paasissutissinneqarnera Naalakkersuisut ilanngullugu pitsaasuutippaat.

Kukkuersiuinermt oqaatigisaq ukiut siuliineersoq 2020-mi matuneqarpoq, taamaattoq nutaaq alla takkupperoq, taamaalillunilu kukkuersiuinermt oqaatigisat arfinillit suli ammapput. Tamatuma saniatigut kukkuersiuinermt oqaatigisani allani – suli ammasuni - pitsanngoriaateqartoqarpoq.

Suleriaatsit illullu iluani nammineq nakkutilliinerit, Namminersorlutik Oqartussat aningaasaliissutitnik naatsorsuuserinermilu malittarisassanik naammassinnissinnaanerannik ikorfartuisut, nukittorsarneqarnissaasa aallunneqarnissaat Kukkuersiuinermt Ataatsimiititaliap oqaatigaa. Tassunga atatillugu ERP-mik aqqissuussap atulersinnera 2019-imi ukiup sisamararterutaata naggataannit atulersumit naammassineqartoq ataatsimiititaliap erseqqissaatigaa. Aqqissuussaq Nunatta Karsiata Kukkuersiuuisuisa kukkuersiuinerminnut atatillugu oqaatigisatut saqqummiussaannik arlalinnik aqqiinermt tapertaasinnaassaaq. Nunatta karsiata kukkuersiuuisuata kaammattuutaasa pingaarnersiorneqarlutik naammassineqarnissaannut ukiut arlallit ingerlannginnissaat Ataatsimiititaliap inassutigaa. Tamannalumi Naalakkersuisut isumaqatigaat.

Kukkuersiuinermt Ataatsimiititaliap ataatsimut isigalugu oqaatigaa, ukiullu siuliini pisut assigalugit, malittarisassat atuuttut naapertorlugit Nunatta karsiata Naatsorsuutaanut aalajangersimasumik malitseqartitsisarnissaq pitsaassutsimillu pingaartitsisumik nalunaarusiortarnissap suli kissaatigineqarnera uteqqillugu. Ataatsimiititaliap ilanngullugu sunniutitnik uuttuisarnerup aallunneqarnerunissaa kissaatigaa. Nikingasoortoqarnerani nassuiaatinik suliaqarnermi malittarisassat immikkoortunut erseqqissaatigineqarnissaat nikingassutillu sunniutaasa nassuiarneqarnissaat Kukkuersiuinermt Ataatsimiititaliap sakkortuumik inassutigaa. Immikkoortup tamatuma suli pitsanngorsarnissaa 2021-mullu Nunatta Karsiata Naatsorsuutaanik suliaqarnissaq sioqqullugu ilaatigut malittarisassat erseqqissarneqaaqqinnissaat Naalakkersuisut isumaqatigaat.

Kukkunersuinermit Ataatsimiititaliap isumaliutissiisummini aamma inassuteqaatinik isornartorsiutinillu arlalinnik saqqummiussivoq. Naalakkersuisut akissuteqaammi uani inassuteqaatit tamakkerlugit oqaaseqarfigisinnaanngilaat, taamaattoq inassuteqaatini pingaarnert iserfigissavaat, sinneruttumi oqaaseqarfiginagit tusaatissatut tiguneqarmata. Taamattaq isorinnissutit oqaaseqarfigineqarput.

Aningaasaliinermit nakkutilliinermit tunngatillugu ukiumi naatsorsuusiorfiusumi 2020-mi aningaasaliissutitaqanngitsunik amerlasuunik sinniilluni atuisoqarsimanninnera Kukkunersuinermit Ataatsimiititaliap maluginiarpaa. Atuinikinnerilli sunniutaat annikitsuinnarmik nassuiarneqarlutilluunniit COVID-19-ip nunarsuaq tamakkerlugu siaruaannera innersuussutiginnarneqarpoq. Nikingassutinik nassuiaatinik suliaqarnermut malittarisassat immikkoortunut erseqqissaatigineqarlutillu, nikingassutit sunniutaasa nassuiarneqarnissaat Kukkunersuinermit Ataatsimiititaliap sakkortuumik inassutigaa. Siuliani oqaatigineqareersutut immikkoortup tamatuma pitsanngorsarnissaa suli pisariaqartinneqartoq Naalakkersuisut isumaqatigaat, 2021-mullu Nunatta Karsiata Naatsorsuutaanik suliaqarnissaq sioqqullugu ilaatigut malittarisassat erseqqissarneqaqqinneqassapput.

Napparsimasunut taarsiissuteqarnissamut suliat 146-t 2020-mi suliarineqarsimanninnerat Kukkunersuinermit Ataatsimiititaliap iluarinartuutinngilaa. Naalakkersuisut tassunga tunngaviusumik isumaqataapput suliarlu malinnaavigissallugu.

Suliniutit arlallit iliuuseqarfigineqarnissaat pillugu ukiumoortumik killiffimmik nalunaarusiortarnerup, EU Kommissionimik isumaqatigiissutaasup Kukkunersuinermit Ataatsimiititaliamut nassiunneqartarnissaa, ukiut siulii assigalugit Nunatta Karsiata Kukkunersuuisuata kaammattuutigaa. Taamaammatt Naalakkersuisut killiffik pillugu nalunaarusiaq Kukkunersuinermit Ataatsimiititaliamut ilisimatitsissutitut nassiuppaat.

Kukkunersuinermit Ataatsimiititaliap 2020-mi COVID-19-ip nunarsuaq tamakkerlugu siaruaanneranut aatillugu ikiorsiissutinut aningaasartuutit misissorpai, Naalakkersuisullu 2020-mi 2021-milu ikiorsiissutinit misilittagarilikkaminnik nassuiaammik suliaqarnissaat innersuussutigalugu. Nassuiaatip tullianik naatsorsuutinik saqqummiussinermit ataatillugu pisinnaanera Kukkunersuinermit Ataatsimiititaliap oqaatigaa. Tamanna Naalakkersuisut malitseqartissavaat.

Isumaliutissiisummi aamma pisortat tapiissutinik aaqqissuusanut aqutsinerannik aallussivoq, tassani ingerlaavartumik sunniutinik uuttuineq, akuttunngitsumillu taakkunangga naliliisarnissamik pisariaqartitsineq ilanngullugu. Taakkunangga pisariaqartitsisoqarnera Naalakkersuisut isumaqatigaat, tassungalugu pingaarnertut akimuisumillu periuseqarnissaq siunertaralugu suliniuteqarfigissavaat.

Kukkunersuinermit Ataatsimiititaliap tarnimikkut napparsimasunut illuliap pilersaarusiorneqarnerata aqunneqarneranut isornartorsiuipput, suliallu ingerlanneqarneranit

misilittakkat nalunaarsorneqarnissaat innersuullugu, taamaalilluni Naalakkersuisut taakkuninnga ilikkassammata. Tamanna tusaatissatut tiguneqarpoq, Naalakkersuisummi aamma sanaartugassat annerusut piareersaasiorneqarnerannut atatillugu pilersaarusionerit pitsaasumik assigiaamillu ingerlanneqartarnissaat pingaartuutippaat.

Kukkunersuinermit Ataatsimiititaliap Nukissiorfinni annertuumik amigartooruteqarneq isoraat, taannalu malitseqarfigissallugu. Naalakkersuisutaaq nammineeelutik Nukissiorfiit aningaasaqarneranni pissutsit pillugit Kukkunersuinermit Ataatsimiititaliamit nassuiarneqartut malitseqartinnissaannik aallartitsiniarput. Taamaammat ajornartorsiutit tunuliaqutaasut, pisariusut ukiullu arlallit ingerlaneranni pilersut, aaqqinneqarnissaat pillugit pilersaarut piareersaasiorneqarpoq. Naalakkersuisut Kukkunersuinermit Ataatsimiititaliaq Aningaasaqarnermullu Akileraartarnermullu Ataatsimiititaliaq suliap taassuma siuariartornera pillugu ilisimateqattaassavaa.

Taamattaaq KNI A/S-p naatsorsuutaani kukkunerit nassaarineqartut Kukkunersuinermit Ataatsimiititaliap sakkortuumik upissuppai. Naalakkersuisut isornartorsiuineq isumaqatigaat, pissutsinullu taakkununnga tunngatillugu suliniutit suut ingerlanneqarumaarnerat nalilerumallugu.

Naggasiullugu ataatsimiititaliap kukkunersuisut Deloitte 2022-mut Nunatta Karsiata Naatsorsuutaanik kukkunersuininnaat inassutigaa. Tamanna Naalakkersuisut ilalerpaat.

Naggasiullugu Kukkunersuinermit Ataatsimiititaliap isumaliutissiissusionermini annertuumik sulisimanera qujassuteqarfigissavara.

Taama oqaaseqarlunga suliaq Inatsisartunut inaarutaasumik aappassaaneerlugu suliarineqartussanngortippara.